

古愚心言十五

蘇子如夢

PDG

投充有無查檔再覆戶部稿

康熙二十八年
十一月初五日

查得此案先於本年二月十五日部牌行查張九思張
學孟張五兒三兒四兒馬二張大五十兒等果否係民
編審人丁冊有無戶口名氏有無納過地丁錢糧之處
隨傳里季牌隣人等一一查訊後竊以張九思等曾否
投充自有大部之檔難以磨滅若按丁口冊則坊管社
二甲內現無伊等名字卽據四兒母尹氏泣供亦云係
坊管社民前因窮不曾報丁是實查律載漏脫戶口全
不附籍自顧應得志難未聞漏脫者盡屬旗也今查丁

冊似不如閱部檔爲確據耳張九思是旗是民一查檔而瞭然在目矣於二月二十二日申覆在案今十一月初五日蒙部牌內開隨查檔案止有張九成夫妻字樣並無張九思張學孟姓名與卑職遵查親族牌隣人等僉供張九成係投充旗人絕戶無嗣張九思係民學孟爲九思之子張五爲學孟之子九思之孫兩無疑義矣再訊張與孟所供學孟亡故五六年以今計之年逾六十矣查九成投充在順治三年學孟果係伊子彼時年已十八斷無不入部檔之理而况張有才母喬氏現年

六十八觀記分明學孟的係九思之子矢口鑿鑿者乎
然以大部數十年之檔炳若日星尙難折服葛藤兩載
又何有於里族隣之供與結且當部牌未到之日恫疑
恐喝殊可寒心卑職戴天履地至凜至慎於冬至日赴
皇隍廟逐一嚴訊明有 國法幽有鬼神示無偏也卑
職所據者此耳秦鏡高懸翹首大部非卑職么麼所得
置喙耳合將親族牌隣各供備叙并甘結五紙一併具
文申覆爲此具申伏乞照驗施行

此案蕭告投充張五等持刀傷主也張五供稱

伊弟張四纔奉刑部查檔祖父槩無投充姓名斷
出爲民隨容戶部查檔定案部檔果無其人矣無
檔而欲以投充律之此必不行之勢也當時復查
有無丁口在縣納糧行差似舍檔而專問諸籍矣
部文到日予晝夜輾轉乃引漏脫戶口全不附籍
自有應得之罪未聞漏脫者盡投旗而此案遂不
移矣自二月遲至十一月復取結直截具詳毫無
瞻顧聞張五家有女數人鄭收爲妾久假不歸遂
至此此亦愚民平日依附之覆轍也哀哉

邑民投充無檔出結回覆戶部稿

康熙二十九年正月十八日

查得民人投旗記檔此不磨之案也先於二十八年十一月
初五日蒙部牌內開查檔止有張九成夫妻字樣並無張九思
張學孟姓名至十二月二十一日又蒙部牌內開部檔亦無張九
思父子姓名則張五等是民非旗從可知矣查康熙二十七年
四月內爲咨送事張五胞弟張四兒已經大部查檔并無投充
釋放爲民將鄭五捏稱四兒係伊家投充人投遞逃牌理應議
罪援赦免議行知順義縣在案茲奉取卑縣印結鄭五族戚動

稱卽告

御狀公私恐嚇在在有據是不以大部無檔自反而反以
卑職遵結歸罪怨毒之甚何所不至卑職明知結出而
禍隨之然以大部查檔絕無而族隣甘結確據張五的
係張學孟之子張九思之孫與張九成無涉矢口如一
若畏威惧禍瞻顧不敢出致使一千老幼三載守候有
負大部取結結案之仁卑職俯無以對民卽仰無以對
天矣合將張五親族生員張古訓民張禹孟隣佑民張
有才之母喬氏生員王廷選等手押甘結粘連卑職印

結現在申送爲此具申伏乞照驗施行

此前案奉部取具印甘結之再也是年臘月二十八日從口北賑饑回道經都城外入城訪予友比部郎朱雪厓臨別雪厓語予曰封印時有部文一角發洵必張五一家有無投充再取印結此結再出則無救於彼徒自陷耳予咲而去除夕至署果見部牌卽於次年元旦初試筆作此詳并繕印甘結開印第一號用此發行九叩而告諸天曰張五一家男婦一十五口不出結而部斷歸旗是可忍

也不出結而將無檔投充人照奴婢毆家長不分
首從皆斬立決七八命是可忍也孰不可忍也嗣
而六月部覆奉 旨以滿斷歸旗漢斷歸民兩議
處分而予出具印甘結邀 恩獲免張五等部議
亦只斷還而不問罪心言存此願普天下司牧者
遇此等案舉筆關人命慎之哉洵令彭鵬盟手識
後

假黃帶子姚士秀取供解部稿

二十七年七月二十日

三河縣爲報明事本年七月十三日蒙本道孟批據詳
丫藍泰語言詭秘行跡可疑除呈報撫院外仰縣細心
盤詰務得確情飛報本道以憑詳奪繳蒙此卑職復爲
窮詰詰以既是黃帶子卽不得擅自出境若又是哈哈
駒子密訪亦不該勒我見面今稱是撫院密奏我便解
撫院解部丫藍泰大怒說部裏巡撫如何管得我就是
宗人府也曾我不得叫你知縣親送我去面

主子便罷毫無懼色隨於廂房內自書紅紙一條內寫訴

思禍至因惡盈爾誠明知逆上行將龍莫當魚蝦視天心不與利徒同後面又有滿字行半擲在案上卑職取看告以便是宗室也說不得龍字但既通漢文現有細註大清律內載詐僞兩三條請細細看他接過又怒說我豈不知律例恐你知縣到頭悔不及了登時催逼送他去卑職想他行囊內有小摺子殼面上寫姚記突告以纔飛馬訪回你姓姚你自稱密訪現在我署內我不管何等人便照光棍問就動起夾棍他大笑說我是黃帶子哈哈駒子知縣多大的官敢擅動刑卑職說我夾

姓姚的「藍衫詞色遽失措卑職急口嚴鞫始供我道
你是蠻子官要來降你誰想你是硬直人降不住騎不
得我原是正黃旗胡牛衆下人實姓姚叫姚士秀詰以
你定要見我說有機密話明明只爲楊回子所告命案
據供我並不認得楊回子詰以既不認得如何拋命假
冒宗室詐稱近侍管他閒事又詰以這回子告案誰說
給你知道據供我在通州太平館隔壁楊回子店裏聽
得詰何事到楊回子店據供我初八日住通州李二店
內次日問尋戲館李二說楊回子隔壁有箇太平館去

時未唱隔壁果有楊回子驪馬店隨衆暫坐見一箇騎
驢人東來衆呼姚二爺有小回子問那官事如何姚二
答云會審原訂初六日今改期未定衆回子說三河縣
耿性不聽情這官事怎處我想天下無有不聽情的縣
官查三河縣是南方人想必小裝扮內裏人來試試因
入京時關東菓子公爺的冒家叫蘇四央我代買黃帶
一條我出通州三十里就繫黃帶到縣裏先住關帝廟
寫箇丫藍泰名帖來拜說有機密話腰裏露出黃帶想
衙役們報知定是見戔不想再三辭不見因此冒竇兩

三次致請候入署內是我自尋死原沒有受楊回子囑托財物詰你是胡牛衆下人現住那裏據供原住審陽大西門外本年二月二十六日進關三月初一日到京看我母舅曹鳳麟在他家住了一箇月零七日詰以母舅住處據供住在十王府後等情隨自寫供狀一紙據此則姚士秀假稱了藍泰詐冒黃帶子詐冒哈哈駒子雖無挾騙誑騙然自供假冒已知而故縱之則卑職所必不敢者也再查供內先住通州李二店卑職扶病赴通稟明李知州連夜帶本犯至牛市領拿李二并前供

之楊回子是夜病劇李知州臨寓公訊據李二供店裏
逐日登記粉牌還有他名字尚未洗去卑職着李二取
牌公驗果有寫上初九日 御前丫藍泰通州買貨李

知州令與楊回子對質兩供不識李知州再問你回子
告命案是誰告訴他據供姚二進店來原是衆人閒問
官事那不聽情的話原是有的是想他聽見委無人告訴
詰以姚二是旗是民言語含糊是夜楊回子店拏獲兩
人一供商文世一供商文輝三河縣小南馬房住訊以
姚二曾否認識供云不認時有商小宇係馬房民新串

營弁訛詐商民現奉憲批解到未審隨與商小宇訊以
商文世商文輝是何人據供商文世是親兄弟分居又
訊以認得姚二否初供不認嚴鞫始供姚二天津衛人
賣身旗下先同一主子姓趙名起粒泰是廂白旗和尚
牛采下小的贖身四五年姚二轉賣刑部江南司朱先
是工部屯田司不記是正紅旗廂紅旗前日到小南馬
房卽以今地方不比往年你面上刺字住不得辭去又
供還有箇兄弟在後宰門出家那姚二常到寺裏去是
實詰以姚二住家據供現住西城石姥姥姥姥衙又訊以

認得通州楊回子石供認得原是燕山右衛民歸併本
縣今挈家住通州開縣馬行等情先是楊回子隱諱姚
二旗色住址今於商小字口供不覺吐露據此則姚二
按聽命案審期出口入耳必非無因可知也所有丫藍
泰改稱姚士秀首供一紙詩清字粘卷理合敘供連人
并黃帶一條青冊子一本丫藍泰名帖一張摺子一箇
及行李等物批差任國良彭一榮閻崇禮唐繼靖於本
月二十一日解赴刑部一面報憲詳院具題爲此具
申伏乞照詳施行